

Namo tassa bhagavato arahato sammāsambuddhassa

## Sūrassatīnīti

Paṭhamo bhāgo

### Paṇāmagāthā

1. Mukhamhā bhagavantassa,  
Sugandhakamalā subhā;  
Sañjātaṃ uttamaṃ vāṇiṃ,  
Vandāmi vittaṃānasā.
2. Samajjhīṭṭho racissāmi,  
Dakkhena rājamantinā;  
Nāmena santena,  
Nītiṃ lokahitāvahaṃ;  
Sālaṅkāraṃ sopadesaṃ,  
Nāmenāhaṃ svarassatiṃ.
3. Pekkhantvimaṃ nītiṃ santā,  
Mañjūsarukkhasannibhaṃ;  
Nānopadesasaṃpuṇṇaṃ,  
Sadatthakusalā sadā.

## Sūrassatīnīti

1. Kataññutā ca saccañca,  
Lokasārā hi te duve;  
Lokāpi tehi tiṭṭhanti,  
Raṭṭhaṃ akaṃsu issaraṃ.
2. Kākāca dujjanā loke,  
Malībhūtāva sabbadā;  
Iṭṭhaṃ guṇaṃ nāsayanti,  
Te ve lokassa verino.  
  
Migānaṃ siṅgālo anto,  
Pakkhīnaṃ pana vāyaso.  
  
Akāraṇaverī honti,  
Macchānaṃ dhīvarā yathā;  
Guṇīnaṃ sajjanānañca,  
Dujjanā niccaverino.
3. Siriṃ bhonto suposetha,  
Siri mūlā hi sampadā;  
Siriya idha jotanti,  
Sirī sā sabbasiddhikā.
4. Musā tamokarā loke,  
Saccaṃ mīditikāraṃ;  
Musātamena dukkhanti,

Saccābhāya sukhantive.

Suvijānaṃ siṅgālānaṃ,  
Sakuṇānañca vassitaṃ;  
Manussavassitaṃ rāja,  
Dubbijānataraṃ tato.

5. Kappaggisadisā issā,  
Jhāpeti sabbasampadaṃ;  
Muditā kappameghova,  
Ropeti sabbasampadaṃ.
6. Yathā asanthirā thambhā,  
Thusarāsimhi ussitā;  
Tattheva kopicittānaṃ,  
Kammantā cañcalaṅgatā.

Haliddirāgaṃ kopicittaṃ;  
Purisaṃ rāgavirāgiṇaṃ,  
Edisaṃ tāta māsevi;  
Nimmanussampi ce siyā.

7. [Ka] Puppacumbi cittaṃ,  
Sakavaṇṇena majjito;  
Vikkamī pupphato pupphaṃ,  
Nassāgāraṃ na saṅgamo.

[Kha]

Kippilikā dubbaṇṇāpi,  
Samaggāca parakkamā;  
Mā hotha pupphacumbīva,  
Hotha vo pacikā yathā.

1. Ye maranti kīḷantā te,  
Svānā aññoññaṃmoditā;  
Disvāna chaṭṭitaṃ bhattaṃ,  
Sīghaverī vihiṃsare.
2. Tatthekepi janā dāni,  
Samaggā ññoññaṃmoditā;  
Dhanahetu vihiṃsanti,  
Dhīratthu sīghaverikā.
9. Vasante hemante gimhe;  
Neva tālā visesino;  
Thiracittā janā santā;  
Sukhadukkhesu niccalā.
10. Yathā pavaṭṭamānamhi,  
Suṭṭhu tiṭṭhati geṇṭhuke;  
Appavaṭṭe bhūmyaṃ seti,  
Tattheva geṇṭhuko jano.
11. Agghāpetuṃ nasakkonti,

Kālañhi kālikā janā;  
Vajirādiñca sakkonti,  
Tena kālo anagghiko.

12. [Ka] Asano hi dīghaddhāno,  
Sārasāro sugandhiko;  
Niggandho tveva nissāro,  
Dīghaddhānopi simbalī.

[Kha]

Tatheveke janā loke,  
Dīghaddhānā susārakā;  
Nissārā keci pheggūva,  
Dīghaddhānāpi goyathā.

13. Upakāro cāpakāro,  
Yasmiṃ gacchati naṭṭhatam;  
Pāsāṇahadayassassa,  
Jīvatītyā bhidhāmudhā.

Pasādo nipphalo yassa,  
Kopocāpi niratthako;  
Na taṃ saṅgantu miccheyya,  
Thīpumāva napuṃsakam.

14. Upacāro hi kātabbo,  
Na yāva sohadam bhava;  
Upacāro sumittamhi,  
Māyā ca hoti koṭilam.

15. Kamena aggato ucchu,  
Raso sādutaro yathā;  
Tatheva sumitto loke,  
Dummitto pana nediso.

16. Sokārāti parittānam,  
Vissāsapītibhājanam;  
Ratanābhiratanam icche,  
Sumittam akkharattayam.

17. Dampatīnam sumittānam,  
Mukham aññoññadappaṇam,  
Sukhe sukham dukkhe dukkham,  
Paṭicchāyeva dappaṇe.

Katham nu tāsam hadayam,  
Sukharāvata itthiyo;  
Yāsāmike dukkhitamhi,  
Sukhamicchanti attano.

18. Nivātañca pure katvā,  
Mānam katvāna pacchato;  
Sakattham dhāraye dhīro,  
Atthabhañjo hi muḥhatā.

19. Purecāraṃ satim katvā,  
Saddhaṃ kareyya pacchato;  
Turaṃ na saddahe dhīro,  
Sīghasaddho hi mandako.
20. Vane 0.0099 bahūni kaṭṭhāni;  
Dullabhaṃ rattacandaṇaṃ;  
Tathā janā bahū loke;  
Pumā jañño sudullabho.
21. Tiṇakaṭṭhapalāsehi;  
Sukkhehi dayhate vanaṃ;  
Etādīhi asārehi;  
Loko janehi dayhate.
22. Antovasse timāsamhi,  
Puññakammena moditā;  
Sukhaṃ vasiṃsu porāṇā,  
Buddhasāsanamāmakā.
23. Migamadena ekena,  
Taṃ vanaṃ surabhigandhikaṃ;  
Tathā janena taṃ raṭṭhaṃ,  
Guṇinā hi sirīmatā.
- Sarīraṃ khaṇaviddhaṃsī,  
Kappantaṭṭhāyino guṇā.
24. Kharānaṃ sīhabyagghānaṃ,  
Saṅgamo no hisabbadā;  
Tatheva byagghacittānaṃ,  
Sajātikā khayonatā.
25. Saka sādhipi no sādhi,  
Yo ceñña duṭṭhakārako;  
Bahūnaṃ sādhi pāyena,  
Sa ve sādhiṭi vuccate.
26. Bahūdake samuddepi,  
Jalaṃ nattheva pātave;  
Khuddake khatakūpamhi,  
Sāduṃ atthi bahuṃ dakaṃ.
27. Mā sīghaṃ vivareyyātha,  
Nindituñca pasamsituṃ;  
Mukhañhi vo kathādvāraṃ,  
Nirundheyātha sabbadā.
28. Mā sīghaṃ vivareyyātha,  
Cakkhuṃ vo dassituṃ piyaṃ;  
Saṇikañhi piyalābhaṃ,  
Dhanalābhaṃ turaṃ kare.
29. Anārambho hi kammānaṃ,  
Paṭhamāṃ buddhilakkhaṇaṃ;

Niṭṭhaṅgataṃ āraddhassa,  
Dutiyāṃ buddhilakkhaṇaṃ.

Asamekkhitakammantaṃ,  
Turitābhiniṭṭhānaṃ;  
Sāni kammāni tappenti,  
Uṇhaṃ vajjhohaṭṭaṃ mukhe.

30. Aphalāni durantāni,  
Janatā ninditāni ca;  
Asakyāni ca kammāni,  
Nārabhetha vicakkhaṇo.

31. Ativirodhabhītānaṃ,  
Saṅkitānaṃ pade pade;  
Parappavādatāsānaṃ,  
Dūrato yanti sampadā.

Saddamattaṃ na bhetaṭṭhaṃ,  
Loko saddassa gocaro;  
Yo ca saddaparittāso,  
Vane bhantamigo hi so.

32. Dvinnaṃ taṇḍulathūsānaṃ,  
Viśeso suṭṭhu khāyati;  
Randhitopi siniddho no,  
Thuso virasaphāruso;  
Taṇḍulaṃ siniddhaṃ rasaṃ,  
Evaṃ lokepi nāyate.

33. Eraṇḍaṃ nissitā valli,  
Ruhate kiṃ yathābalaṃ;  
Mahāsālaṃ sunissāya,  
Ruhate brahataṃ gatā.

34. Mettā hi sīmasambhedā,  
Pakkhapāta vighātikā;  
Pakkhapātena dukkhanti,  
Nippakkho vasate sukhaṃ.

35. Narā paññā ca laṅkāra,  
Yathāṭṭhāne niyujjare;  
No hi cūḷāmaṇi pāde,  
Pādukā ca siropari.

Ukkuṭṭhe sūra micchanti;  
Mantīsu akutūhalaṃ;  
Viyañca annapānamhi;  
Atthe jāte ca paṇḍitaṃ.

36. Pamādo hi tamo loke,  
Kālo coro bhayānako;  
Kāyagehaṃ bahuchiddaṃ,  
Kālacorassa coritaṃ.

37. Cañcalo kālādāso hi,  
Dhītimā kālaissaro;  
Kālissaro raṭṭhissaraṃ,  
Ativattati sabbaso.
38. Vīluppanti 8 dhaṇaṃ eke,  
Kālameke anekkhakā;  
Tesu kālavilopāva,  
Bhayānakā tikakkhaḷā.
39. Raññā raṭṭhahitaṃ kattā,  
Rañño hitaṃ janehi ve;  
Desso attahitaṃ dassī,  
Gārayho kinnu kārako.

Attadatthaṃ paratthena;  
Bahunāpi na hāpaye.

40. Yassa upakāro dinno,  
Upakāraṃ dade puna;  
Tato pakāraṃ niccheyya,  
Kataññū dullabho idha.

Saccaṃ kireva māhaṃsu,  
Narā ekacciyā idha;  
Kaṭṭhaṃ niplavitaṃ seyyo,  
Natveve kacciyo naro.

41. Kāruko sakapaññāya,  
Mahagghaṃ dārukaṃ kare;  
Tathā janopi attānaṃ,  
Mahaggho lokamānito.

42. Appaggho hi ayo hemaṃ,  
Mahagghaṃ chindate yathā;  
Nigguṇo sagaṇaṃ loke,  
Alakkhīca siriṃ tathā.

### Sūrassatīnī

#### Dutiyo bhāgo

1. Dhanassa dubbidhaṃ kiccaṃ,  
Pāpeti uṇṇataṃ dhaṇiṃ;  
Adhaṇiṃ oṇataṃ loke,  
Sañcine tena taṃ dhaṇaṃ.
2. Vaṭṭate satataṃ sīghaṃ,  
Kālacakkaṃ avāritaṃ;  
Tena ghaṭī dinaṃ māso,  
Vasso bhavatyā cīrato.
3. Sattunā na hi sandheyya,  
Ekadā so bhayaṃ karo;  
Sutattamapi pānīyaṃ,

Samayate nu pāvakaṃ.

4. Vijahaṃ pakatiṃ yo hi,  
Vikatiṃ puna gacchati;  
Sabhāvena ākārena,  
Vippallāsaṃ sa gacchati;  
Saṃsumāra gatā godhā,  
Yathā thī pumavesikā.
5. Pakkhaṃ laddhāna uḍḍenti,  
Upacikā hi vammikā;  
Nikkhantā maraṇaṃ yanti,  
Uppatā nippataṃ gatā.
6. Sabbamāpiyassa dajjeyya,  
Nissesaṃ piyamānaṃ;  
Saddhācittaṃ tu no viññū,  
Saddhāyiko pakkhalito.
7. Sakkoti laṅghitaṃ byāmaṃ,  
Mahussāhena yo hi so;  
Tadaḍḍhaṃ anussāhena,  
Nossāho tesu thomito;  
Mahussāho dukkho loke,  
Anussāho sadā sukho.
8. Dukkhaṃ akkhamanto yo,  
Piṭṭhikārīca dukkaraṃ,  
Kadā labheyya so loke,  
Sukhaṃ sukaraṃ mudhā;  
Paccakkhañhi so kareyya,  
Dukkhaṃācāpi dukkaraṃ.
9. Anaggho manusso loke,  
Tosanāposanādinā;  
Tena so mahagghaṃ kammaṃ,  
Kare lokahitāyutaṃ.
10. Vātena nappabhijjanti,  
Ninnā veḷū kasā naḷā;  
Yathāvātaṃ nagacchanti,  
Tathā care jane kadā.
11. Purato ca pacchato ce,  
Nissayo natthi passato;  
Adhikaṃ vīriyaṃ hoti,  
Attanātho tadā bhava.
12. Khaṇaṃ ākhubilaṃ sīho,  
Pāsāṇasakalākulaṃ;  
Pappoti nakhabhaṅgaṃvā,  
Phalaṃvā mūsiko bhava.
13. Maggaṃ muḷhā janā andhā,  
Amaggā maggasaññino;  
Tatheva duppaññā muḷhā,  
Tathatthaṃ nāva bujjhare.

14. Piyaṛūpaṃ vīraṛūpaṃ,  
Duvidhā rūpasampadā,  
Nāriṃ icche piyaṛūpiṃ,  
Purisaṃ vīraṛūpakaṃ.
15. Pajjalanti hi khajjotā,  
Pakkhacālanakammunā;  
Kusitā supitā nete,  
Tathā janāpi kammikā.
16. Kummasaṅkocamopamya,  
Niggahamaṃ saṃkhame;  
Pattakāle tu nītiṅṅo,  
Kaṇhasappova uṭṭhahe.
17. Bhakkhasesaṃ nakhādanti,  
Sīhā unnatacetasā;  
Paraṃpi napaṇāmenti,  
Vuddhikāmā tathā care.
18. Na va vasso samuppanno,  
Khīṇo purāṇahāyano;  
Navavasse navā mettā,  
Bhāvitabbā hitesinā.
19. Santāpayanti kamayāpyabhujam na rogā,  
Dummantinaṃ kamupayanti na nītidosā;  
Kaṃ srī na mānayaṃ kaṃ na ca hanti maccu,  
Kaṃ thīkatā na visayā paripīlayanti.

(Vasantatilakāgāthā.)

20. (Ka) byāmamattena daṇḍena,  
Yolumbya udakaṃ mine;  
Agambhīraṃ gambhīraṃvā,  
Agādhe maññi gambhīraṃ.

(Kha)

Tathā mando saññāṇena,  
Agādhe maññi paṇḍitaṃ;  
Samāsamaṃ na jānāti,  
Bahvappaṃ tikkhamadataṃ.

21. Duṭṭhakamme saṅgamanti,  
Chekakamme ca no idha;  
Maccuṃ vahanti sīsena,  
Te muḷhā muḷhasaṅgamā.
22. Duvidho saṅgamo loke,  
Ujuko kuṭilo bhava;  
Ujukova pasamseyyo,  
Nohyaṅṅo sājasāṅgamo.

Te iminā upāyena samaggā sammodamānā mahā bhittipīṭṭhikāya vasanti. (Mahosadhajātaka aṭṭhakathā)



23. Yūthikā pupphate nohi,  
Siñcitāpi punappunaṃ;  
Pupphate sampatte kāle,  
Evaṃ dhāretha vīriyaṃ.
24. Dhanuccayo dhanakkhepo,  
Duvidhā hi dhanākati;  
Dhanuccaye nayo atthi,  
Dhanakkhepamhi no idha.
25. Amātā pitarasaṃ vaḍḍhaṃ,  
Jūtakārañca cañcalaṃ;  
Nālapeyya visesaññū,  
Yadicche siddhi mattano.
- Haliddirāgaṃ kapiccitaṃ,  
Purisaṃ rāgavirāginaṃ;  
Edisaṃ tāta māsevi,  
Nimmanussaṃpi ce siyā.
26. Guṇā guṇaññūsu guṇā bhavanti,  
Te nigguṇaṃ patvā bhavanti dosā;  
Āsādyatoyā pabhavanti najjo,  
Samudramāsajja bhavantyapeyyā.

(Upajātigāthā)

27. Silārūpaṃ nimminanti,  
Koṭṭetvāna punappunaṃ;  
Koṭṭakova tathā bālā,  
Sādhuṃ ovajja nimmitā.

## Cāṇakyanītilā gāthā

- Lālāne bahavo dosā,  
Tāḷāne bahavo guṇā;  
Tasmā puttañca sissañca,  
Tāḷāye na ca lālaye.
28. Atītassa hi mittassa,  
Yo ce dosaṃ pakāsaye;  
So have paccuppanassa,  
Dosaṃ bhāseti ñāyati.
29. Latāviya sevakā te,  
Ye nissayaṃ palambare;  
Nissayassa vināsena,  
Bhūmyaṃ senti anāthakā.
30. Dosasiṅgehi vijjhanto,  
Mānakhūrehi akkamaṃ;  
Bhayaṃ karoti lokamhi,  
Gova bālo vihiṃsako.
31. Ādo upari lokoyaṃ,

- Ujulekhāya tiṭṭhati;  
Musāvātehi taṃlokaṃ,  
Nipātesī anajjavamaṃ.
32. Sughaṭamaṃ kumbhakārena,  
Nāraho paribhuñjitaṃ;  
Tathūpamāya vekkheyya,  
Sakamma-parakammaṃ.
33. Anantaraṃsī sūropi,  
Nasakkoti ghaṇaṃ tamaṃ;  
Vijjhitaṃ raṃsiyā loke,  
Tathā madanamohitā;  
Nasakkonti maḍaṃ bhetvā,  
Paññābhāya pabhāsitaṃ.
34. Khedaveraṃ daliddamhi,  
Bhogimhi rogupaddavaṃ;  
Dessaverañca āṇimhi,  
Passe lokassa veritaṃ.
35. Saṃladdhena subhogena,  
Jīvaṃ suddhaṃ kare nijaṃ;  
Seṭṭho so tena jīvena,  
Jeguccho malajīviko.
36. Vajira puppha-rāgānaṃ,  
Visesaṃ yo nabujjhati;  
Kathañhi so vikkīṇeyya,  
Kīṇeyya vā yathātathaṃ.
37. Kippīli kopi cintevā,  
Pabbataṃ bhettu mussahaṃ;  
Abalā tanumajjhataṃ,  
Cintā hasyāva sā mudhā.
38. Jātamattaṃ na yo sattaṃ,  
Rogañcūpasamaṃ naye;  
Mahābalopi teneva,  
Vuddhiṃpatvā sa haññate.
39. Sajīvamaṃsabhakkhehi,  
Sadāṭṭhīhi mukhehi bho;  
Biḷārabya-gghasīhānaṃ,  
Nihīnāni anekadhā;  
Tikkhāni kharavādāni,  
Manussānaṃ mukhāni ve.
40. Viluppantā vidhāvanti,  
Sajīvavuttikammaṇā;  
Janā tena vihaññanti,  
Caranti dhammavemukhā.
41. Sulabhaṃ lokiyaṃ loke,  
Sāsaniyaṃva dullabhaṃ;

Dullabhaṃ taṃ vamaññanto,  
Eso bālatamo bhava.

42. Yo patittha agyāvāṭaṃ,  
Mohā taṃ upakārituṃ;  
Aññorohi tadā vāṭaṃ,  
Dutīyo muḥhamuḥhako.
43. Byaggho āvudhaviddho hi,  
Akā duṭṭhāni ninnadaṃ;  
Tatheva sādhusatthena,  
Viddho bālo pakuppito.
44. Pivanti lohitaṃ ḍaṃsā,  
Anto tuṇḍena makkhikā;  
Bahiddhā parivārenti,  
Jano tena ḍaṃsāyaye.
45. Adhanassa khaṇo appo,  
Saddhammo appakālino;  
Appako tena yuñjeyyūṃ,  
Khaṇaṃ bahuṃ labhetave.